

本草從新卷四目錄

草部 毒草類三十種

附子

草烏頭

白附子

天南星

半夏

常山

藜蘆

大戟

甘遂

商陸

芫花

續隨子

牽牛

蓖麻子

貫衆

射干

蚤休

玉簪

大黃

藺茹

天名精

山慈姑

茵芋

莽草

仙茅

葉耳

木鼈子

鳳仙子

土連翹

煙



本草從新卷四

草部 毒草類

附子 大燥回陽補腎命火逐風寒溼

辛甘大熱純陽其性浮多沈少其用走而不守通行十二經

無所不至能引補氣藥以復散失之元陽

丹溪曰氣虛甚者稍加附子以行參

芪之功肥人多溼亦用

引補血藥以滋不足之真陰引發散藥開腠理

以逐在表之風寒

同乾薑桂枝溫經散寒發汗

引溫暖藥達下焦以祛在

裏之寒溼

善引火下行津調塗足心亦妙

治三陰傷寒戴陽

吳綬傷寒蘊要曰附子陰證要

藥凡傷寒傳變三陰中寒夾陰身雖大熱而脈沈細或厥冷腹痛甚則唇青囊縮急須用之若待陰極陽竭而用之已遲矣東垣治傷寒陰盛格陽面目俱赤煩渴引飲脈七八至但按之則散用薑附湯加人參投半斤得汗而愈此神聖之妙



南京中醫藥大學圖書館藏

也中寒中風

卒中曰中漸傷曰傷輕為感胃重則為傷又重則為中

氣厥痰厥欬逆

元

下虧生氣不布宜

自汗

陳言三因方有芪附朮附參附三陽

陽

芪附脾中之陽遏鬱而自汗則用朮附腎中之陽浮游

陽

而自汗

則用參附凡屬陽虛自汗不能舍三方為治

陽

膈噎

在吸門喉間之會厭也食下胃脘痛須與吐出槁在胃

門胃之上口也此上焦名噎食下良久吐出槁在幽門胃之下口也此中焦名膈朝食暮吐槁在關門大小腸下口也此

下焦名反胃又有痰飲食積瘀血壅塞胃口者如寒痰胃冷則宜蘊附參朮胃槁者當滋潤宜四物牛羊乳瘀血者加韭

汁

心腹冷痛暴瀉脫陽脾泄久痢霍亂轉筋

寒客中焦脾胃為霍亂寒客下

焦肝腎為轉筋拘攣風痺癰疽積聚督脈為病脊強而厥小兒慢驚

經曰陰盛生內開

痘瘡灰白癰疽不斂一切沈寒痼冷之證

經曰腎者胃之關也關門不利故聚水而從其類也嘉言曰腎之關門不開必以附子回陽蒸

動腎氣其關始開胃中積水始下以陽主開故也集驗曰腫
因積生積去而腫再作若再用利藥小便愈閉醫多束手蓋
中焦氣不升降為寒所縮小便潔古曰益火之源以壯陽退
隔唯服附子小便自通消陰翳則便溺有節壯陽退

陰殺邪辟鬼通經墮胎通宜冷服熱因寒用也蓋陰寒在下
虛陽上浮治之以寒則陰

益甚治之以熱則格拒不納用熱藥冷飲下嚥之後冷體既
消熱性便發情且不違而致大益此反治之妙也又有寒藥
熱飲以治熱證此寒因熱用義亦相同也經曰正者正治反
者反治如用寒治熱用熱治寒此正治也或以寒治寒以熱
治熱此反治也經所謂必伏其所主而先其所因發散生用
蓋借寒藥熱藥為反佐以作向導也故亦曰從治發散生用

峻補熟用趙嗣真曰仲景麻黃附子細辛湯熟附配麻黃發
中有補四逆湯生附配乾薑補中有發其旨微矣

王節齋明醫雜著曰氣虛用四君血虛用四物虛甚者俱宜
加熟附蓋四君四物皆和平寬緩之劑須得附子健悍之性
行之方能成功附子熱毒本不可輕用但有病病當雖暑熱
時月亦可用也景岳曰今之用附子者必待勢不可為不得
已然後用之不知回陽之功當於陽氣將去之際漸用以望
挽回若既去之後死灰不可復然矣但附子性悍獨任為難

必得大甘之品如人參熟地炙甘草之類皆足以制其剛而濟其勇斯無住不利矣丹溪曰烏附行經仲景八味丸用為少陰向導後世因以為補藥誤矣附子走而不守取其健悍走下以行地黃之滯爾相習用為風藥及補藥殺人甚多矣菴曰附子味甘氣熱峻補元陽陽微欲絕者起死回生非此不為功故仲景四逆真武白通諸湯多用之其有功於生民甚大況古人日用常方用之最多本非禁劑丹溪乃僅以行經之藥而云用作補劑多致殺人言亦過矣蓋丹溪法重滋陰故每嘗陽藥亦其偏也

若內真熱而外假寒熱厥似寒宜承氣白虎等湯

因熱霍亂等證服之禍不旋踵陰虛者亦不可加入滋陰藥

中常服好古曰用附子以補火必防涸水若陰虛之人久服補陽之藥則虛陽益熾真陰愈耗精血日枯而氣無

所附麗遂成不救者多矣從前附子皆野生所產甚罕價值甚高而力

甚大近今俱是種者出產多而價值賤力甚薄土人以鹽醃

之愈減其力陝西出者名西附四川出者名川附川產為勝

川附體鬆而外皮多細塊西附體堅而外皮光潔以皮黑體

圓底平八角頂大者良修治法煎極濃甘草水將附子泡浸

剝去皮臍切作四塊再濃煎甘草湯泡浸令透然後切片慢

火炒黃而乾放泥地上出火毒有用水浸麴裏煨令發拆則雖熟而毒仍未去非法之善

者有用黑豆煮者有用甘草鹽水蘆汁童便煮者恐煮之氣味煎出其力尤薄且製之不過欲去其毒性爾若用童便是反抑其陽剛之性矣尤非法之善者唯用甘草湯泡浸則毒解而力不減允為盡善矣○市醫漂淡用之是徒用附子之

名畏人參黃芪甘草防風犀角綠豆童便反真母半夏枯樓

白芨白薇中其毒者黃連犀角甘草煎湯解之或用黃土水

澄清亦可解 附生者為附子手足凍裂附子去皮為末以水麴調塗之

烏頭大燥祛風 功同附子而稍緩附子性重峻回陽逐寒

烏頭性輕疏溫脾逐風寒疾宜附子風疾宜烏頭 即附子

之母

有謂春採為烏頭冬採為附子者非也

烏附尖

宣吐風痰

吐風痰治癰癩取其銳氣直達病所

治許白雲屢用瓜蒂梔子苦參藜蘆等劑吐之不逆後用附子尖和漿水與之始得大吐膠痰數碗而安

天雄

大燥回陽補腎命火逐風寒溼

補下焦腎命陽虛

天雄之尖皆向下其臍乃向上生苗之處寇氏謂其不肯就下郭古謂其補上焦陽虛俱誤認尖為向上爾丹溪以為下部之佐者庶幾得之若果上焦陽虛則屬心肺之分當用參芪不當用烏附矣

治風寒溼痹為風家

主藥發汗又能止陰汗

細長者為天雄

側子

大燥治手足風

散側旁生宜於發散四肢充達皮毛

治手足風溼諸痺

連生者為側子



草烏頭

大燥開頑痰

辛苦大熱搜風勝淫開頑痰治頑瘡以毒攻毒頗勝川烏然

至毒無所釀制不可輕投 野生狀類川烏故亦名烏蒙蘆

汁炒或豆腐煮

十便良方治腰腳冷痛草烏頭三箇去皮臍為末醋調貼須臾痛止

白附子

燥龍風溼治面疾

辛甘大熱純陽陽明經藥能引藥勢上行治面上百病

陽明之脈

榮於面白附能去頭面遊風可作面脂消癰疽祛風痰治心痛血痺諸風令氣中風

失音陰下溼瘡

燥毒之品似中風證雖有痰亦禁用小兒

慢驚勿服

根如草烏之小者皺紋有節炮用

陶隱居曰此藥久絕無復

真者今唯涼州生

草烏頭

白附子

天南星

草

部



天南星

燥溼宜祛風痰

味辛而苦能治風散血

南星防風等分爲末名玉真散治破傷風刀傷撲傷如神破傷風者藥敷

瘡口溫酒調下二錢打傷至死童便調灌二錢連進三服必活

氣溫而燥能勝溼除痰

而毒能攻積拔腫爲肝脾肺三經之藥治驚癇風眩

丹無痰

作眩身強口噤喉痹舌瘡結核疳癰毒疥癬蛇蟲咬毒

調末

破結下氣利水墮胎性更烈於半夏

與半夏皆燥而毒故皆墮胎南星辛而不守半

夏辛而能守所以古安胎方中亦有用半夏者

按南星治風痰半夏治溼痰功用

雖類而實殊也非西北人真中風者勿服陰虛燥痰大忌

根似半夏而大看如虎掌故一名虎掌以饔湯或皂角汁浸

三晝夜曝用或酒浸一宿蒸熟竹刀切開以不麻爲度或鹽

渣黃泥和包煨熟用造麴法以薑汁饗湯和南星末作餅積

葉包待生黃衣日乾造膽星法臘月取黃牛膽汁和南星末

納入膽中風乾年久者彌佳得牛膽則燥性減且膽有益肝膽之功畏附子乾

薑防風

得防風則不麻火炮則毒性緩所謂火能革物之性○自附子至南星皆大毒之品

半夏

燥溼痰宣通陰陽

辛溫體滑性燥能走能散和胃健脾除溼化痰發表開鬱下

逆氣止煩嘔發聲音救暴卒

凡遇五絕之病用半夏末吹入鼻中即活蓋取其能作嚏也五

絕謂縊死溺死壓死魘死產死也

又能行水氣以潤腎燥利二便止咽痛

辛通

使氣能化液故潤燥丹溪謂二陳湯能使大便潤而小便長成無已傷寒明理論曰半夏辛散行水氣而潤腎燥又惠民和劑局方半硫丸治老人虛秘皆取其潤滑也俗以半夏南星為燥誤矣溼去則土燥痰涎不生非二物性燥也古方治

咽痛喉痺吐血下血非禁劑也二物亦能散血故破傷撲打皆主之唯陰虛勞損則非溼熱之邪而用利竅行溼之藥是重竭其津液醫之罪也豈藥之咎哉皇甫謐甲乙經用治不眠是果性燥者乎半硫丸與硫黃等分生薑糊丸

逆頭眩火炎痰升則眩痰厥頭痛眉稜骨痛風熱與痰脇痛胸脹傷寒

熱痰瘧不眠素問曰胃不和則臥不安半夏能和胃氣而通陰陽靈樞曰陽氣滿不得入於陰陰氣虛故

不得瞑飲以半夏湯陰陽既通其臥立至又有喘嗽不得眠者左不得眠屬肝脹宜清肝右不得眠屬肺脹宜清肺服藥

無效者反胃吐食痰膈散痞除癭癭多屬痰消腫止汗勝溼為治溼痰

之主藥汪機曰脾胃溼滯凝化為痰此非半夏曷可治平若以黃母代之翹首待斃好古曰腎主五液化為五溼

本經為唾入肝為淚入心為汗人肺為涕入脾為痰痰者因欬而動脾之溼也半夏泄痰之標不能治痰之本治本者治

腎也欬無形痰有形無形則潤有形則燥所以為流脾溼而潤腎燥之劑也俗以半夏為肺藥非也止嘔為足陽明除痰

為足太陰小柴胡湯用之雖云止嘔亦助柴芩主寒熱往來是又為足少陽也時珍曰脾無溼不生痰故脾為生痰之源

肺為貯痰之器按有聲無痰曰欬蓋傷於肺氣有痰無聲曰嗽蓋動於脾溼也有聲有痰曰欬嗽或因火因風因寒因虛勞因食積宜分證論治大法治嗽當以治痰為先治痰又以順氣為主氣順則火降而痰消宜以半夏南星桑白皮痰枳殼橘紅利其氣肺虛加溫斂之味肺實加涼瀉之劑

主治最多莫非脾溼之證

半夏專為除痰而半夏之功不復見知於世矣苟無溼者小柴胡湯半夏瀉心湯皆用半夏豈為除痰乎

均在禁例古人半夏有三禁謂血家渴家汗家也若非脾溼

且有肺燥誤服半夏悔不可追

趙繼宗曰二陳治痰世醫執之內有半夏其性燥烈若風

寒溼食諸痰則相宜至於勞痰失血諸痰反能燥血液而加病

孕婦服之能損胎

若與參朮並行但有

開胃之功亦不損胎

圓白而大陳久者良

合陳皮茯苓甘草名二陳湯為治痰之總劑寒痰佐

以乾薑芥子熱痰佐以黃芩栝樓溼痰佐以蒼朮茯苓風痰佐以南星前胡痞痰佐以枳實白朮更看痰之所在加引導

藥韓飛霞造麴十法一薑汁浸造名生薑麴治淺近諸痰一

礬水煮透兼蘊和造名礬麴礬最能卻水治清水痰一煮畢

角汁鍊膏和半夏末爲麴或加南星或稍加麝香名皂角麴

治風痰開經絡一用白芥子等分或三分之一竹瀝和成略

加麴和名竹瀝麴治皮裏膜外結核隱顯之痰一麻油浸半

夏三五日炒乾爲末麴糊造成油以潤燥名麻油麴治虛熱

勞欬之痰一用臘月黃牛膽汁略加熟蜜和造名牛膽麴治

癰瘤風痰一用香附蒼朮撫芎等分熬膏和半夏末作麴名

開鬱麴治鬱痰一用芒硝居半夏十分之三煮透爲末煎大

黃膏和成名硝黃麴治中風卒厥傷寒宜下由於痰者一用

海粉雄黃居半夏之半爲末煉蜜和造名海粉麴治積痰沉

痼一用黃牛肉煎汁鍊膏卽霞天膏和半夏末爲麴名

麴治沉疴痼痰以上竝照造麴法草蠶七日待生黃衣懸掛

風處愈久愈佳浸七日逐日換水漚去涎切片薑汁拌炒

性畏生薑用之以制其毒而功益彰柴胡射干爲使畏生薑秦皮龜甲雄黃忌

羊血海藻飴糖惡皂角反烏頭

盤腸生產產時子腸先出產後不收者以半夏末頻留鼻

中則上也

常山

宣吐痰截瘧通行水

辛苦而寒能引吐行水祛老痰積飲

痰有六風痰寒痰溼痰熱痰食痰氣痰也飲有

五流於肺爲支飲於肝爲懸飲於心爲伏飲於經絡爲溢飲於腸胃爲痰飲也常山力能吐之下之

截諸瘧必

效瘧疾必有黃涎聚於胸中故曰無痰不成瘧弦脈主痰飲故曰瘧脈自弦常山去老痰積飲故爲諸瘧要藥時珍曰

常山蜀黍劫痰截瘧須在發散表邪及提出陽分之後用之
 瘧有經癰臟瘧風寒暑溼痰食瘴鬼之別須分陰陽虛實不
 可混治常山蜀黍得甘草則吐得大黃則利得烏梅實山則
 則入肝得小麥竹葉則入心得疏米麻黃則入肺得龍骨附
 子則入腎得草菓檳榔則入脾蓋無痰不作瘧一物之功亦
 在驅逐痰水而已士材曰常山發吐唯生用多用為外與甘
 草同用亦必吐若酒浸炒透但用錢許每見奇功未見其難
 也世人泥於雷斅老人久病忌服之說使良藥見疑沉痾難
 起抑何愚耶○常山吐瘧痰瓜蒂吐熱痰烏
 附尖吐溼痰萊菔子吐氣痰藜蘆吐風痰

性猛烈施之

藿食者多效若肉食之人稍稍挾虛不可輕入 雞骨者良

燒酒浸一宿炒透用枯樓為使忌蔥茗 蜀漆常山莖葉功用略

同古方有蜀漆散取其苗性輕揚發散上焦之邪結 甘草水拌蒸

藜蘆宜引吐

辛寒至苦司蠱毒與喉痹能殺蟲理疥癬入口即吐善通頂

令人噓風癰證多用之

張子和儒門事親曰一婦病風癰初發後漸日發甚至一二

發求死而已值歲大饑採百草食見野草若蔥採蒸飽食覺不安吐膠涎數日約一二斗汗出如先甚昏困後遂輕健如常人以所食蔥訪人乃蔥苗即藜蘆是矣時珍曰和王氏年七十中風不省牙關緊閉先考太醫吏日月池翁診視濃煎藜蘆湯灌之少頃噫氣遂吐痰而甦藥不瞑眩厥疾不廖誠然

服之令人煩悶吐逆大

損津液虛者慎之

取根去頭用黃連爲使反細辛芍藥諸

參惡大黃畏蔥白

吐者服蔥湯即止與酒同用殺人○頭生蟻蝨藜蘆末搽之○疥癬蟲瘡藜蘆末生

塗油

大戟

寒通瀉臟腑水溼

苦能直泄顓瀉臟腑水溼兼善逐血辛能橫散故發汗消癰

寒能通二便閉治十二種水腹滿急痛積聚癥瘕頸腋癰腫

風毒脚腫通經墮胎瀉火逐痰

時珍曰痰涎為物隨氣升降無處不到入心則迷成癲癎

入肺則塞竅為欬喘背脊入肝則脇痛乾嘔寒熱往來入經絡則麻痺疼痛入筋骨則牽引隱痛入皮肉則癰癤癰腫陳無擇竝以控涎丹主之殊有奇功此乃治痰之本痰之本水也淫也得氣與火則結為痰大戟能泄臟腑水淫甘能行經隧水淫白芥子能散皮裏膜外痰氣唯善用者能收奇功也又曰錢仲陽謂腎為真水有補無瀉復云痘證變黑歸腎者用百祥膏下之非瀉腎也瀉其腑則臟自不實腑者膀胱也百祥惟大戟一味能行膀胱之水故也竊謂非獨瀉腑乃腎邪實而瀉肝也實則瀉其子大戟浸水青綠肝膽之色也痘證毒盛火熾則水益涸風挾火勢則土受虧故津液內竭不能化膿而成黑陷之證瀉其風火之毒所以救腎扶脾也張潔古活法機要用大戟一兩棗三枚同煮焙乾去戟用棗丸服名棗變百祥丸

陰寒證定大損真氣非元氣壯實水淫伏畱不

可浪施 杭產紫者為上北產白者傷人漿水煮輒去骨得

大棗良赤小豆為使惡山藥畏菖蒲反甘草